

## Cyngor Sir CEREDIGION County Council

**ADRODDIAD I'R:** Pwyllgor Cydlynu Trosolwg a Chraffu

**DYDDIAD:** 15 Mehefin 2022

**LLEOLIAD:**

**TEITL:** Adroddiad Diogelu Grŵp Gweithredol Lleol ar y Cyd  
**CYSUR/CWMPAS**  
**Chwarter 3 2021/22**

**PWRPAS YR ADRODDIAD:** Monitro gweithgarwch ar sail amlasiantaethol o ran y camau a gymerwyd i ddiogelu plant ac oedolion yng Ngheredigion.

**RHESWM Y MAE'R  
PWYLLGOR CRAFFU  
WEDI GOFYN AM Y  
WYBODAETH HON:** Sicrhau bod aelodau'n monitro cynnydd yng nghyfarfodydd rheoli chwarterol Grŵp Gweithredol Lleol ar y Cyd CYSUR/CWMPAS

### **CEFNDIR:**

Amgaeir Adroddiad Diogelu Grŵp Gweithredol Lleol ar y Cyd CYSUR/CWMPAS ar gyfer Chwarter 3 2021/22.

Adroddiadau rheoli amlasiantaethol yw'r rhain ar ddiogelu plant ac oedolion yng Ngheredigion yn ystod y cyfnod rhwng 1 Hydref a 31 Rhagfyr 2021. Darparant wybodaeth reoli ar y camau a gymerwyd o dan Weithdrefnau Diogelu Cymru.

Mae'r Adroddiadau yn cynnwys y wybodaeth a ddarparwyd gan asiantaethau eraill sy'n ymwneud â diogelu llesiant plant ac oedolion yng Ngheredigion.

Mae aelodau Grŵp Gweithredol Lleol ar y Cyd CYSUR/CWMPAS (Ceredigion) yn trafod y wybodaeth reoli hon er mwyn monitro a gwerthuso pa mor effeithiol yw'r trefniadau ar gyfer diogelu plant ac oedolion yng Ngheredigion a'r canlyniadau.

Mae'r cyfarfodydd amlasiantaethol hyn yn gyfle i nodi a gweithredu ar unrhyw faterion perfformiad a materion eraill o fewn y maes gwaith hwn.

Mae gwybodaeth am berfformiad hefyd yn cael ei darparu i Fwrdd Diogelu Rhanbarthol Canolbarth a Gorllewin Cymru sydd hefyd yn gyfle i ddadansoddi perfformiad, tueddiadau a materion ar draws y Rhanbarth.

### **Crynodeb o'r Pwyntiau Allweddol:**

## **DIOGELU PLANT:**

- Roedd cynnydd yn nifer yr adroddiadau am blant a arweiniodd at gamau'n cael eu cymryd o dan y Gweithdrefnau Diogelu yn y chwarter hwn o'i gymharu â Chwarter 2, gyda 122 yn y chwarter hwn o'i gymharu â 106 yn Chwarter 2.
- Fodd bynnag, roedd gostyngiad amlwg yn nifer y Cynadleddau Cychwynnol Amddiffyn Plant a gynhaliwyd o'i gymharu â Chwarter 2, gyda dim ond 8 o blant yn destun Cynadleddau Cychwynnol Amddiffyn Plant yn y chwarter hwn o'i gymharu â 33 o blant yn Chwarter 2.
- O ganlyniad i Gynadleddau Cychwynnol Amddiffyn Plant, cafodd 6 o blant eu rhoi ar y Gofrestr Amddiffyn Plant yn y chwarter hwn. Ni chafodd 2 blentyn eu rhoi ar y gofrestr.
- Cynhaliwyd 13 o Gynadleddau Adolygu yn y chwarter hwn ar gyfer 34 o blant. O'r 34 o blant hynny, roedd 19 o blant wedi aros ar y Gofrestr Amddiffyn Plant, cafodd 15 eu tynnu oddi ar y gofrestr. O'r 15 o blant a ddatgofrestrwyd, derbyniodd 6 ymyrraeth bellach trwy'r Cynllun Plentyn sydd Angen Gofal a Chymorth, roedd 6 yn destun Gorchymyn Llys ac yn Blant sy'n Derbyn Gofal, ac nid oedd angen unrhyw wasanaethau ar 3 berson ifanc arall.
- Yr Heddlu oedd y ffynhonnell fwyaf o atgyfeiriadau o hyd yn y chwarter hwn, ond mae'r gyfradd ysgolion wedi cynyddu'n sylweddol yn dilyn gostyngiad mawr yn y chwarter blaenorol.
- Roedd gostyngiad yn nifer yr Ymholiadau Adran 47 a gynhaliwyd yn y chwarter hwn o'i gymharu â Chwarter 2, gyda 49 wedi'u cynnal yn y chwarter hwn a 51 yn Chwarter 2. O'r 49 o Ymholiadau a gynhaliwyd, cafodd 45 o'r Ymholiadau hyn eu cynnal ar y cyd rhwng yr Heddlu a'r Gwasanaethau Cymdeithasol.
- O'r Ymholiadau a wnaed, cam-drin corfforol oedd y prif gategori o gamdriniaeth a gafodd ei ymchwilio gyda 22 o Ymholiadau, 12 ohonynt yn ymwneud â cham-drin/cam-fanteisio'n rhywiol. Mae hyn mewn cyferbyniad â Chwarter 2, lle roedd 21 o'r Ymholiadau yn ymwneud â cham-drin/cam-fanteisio'n rhywiol ac 14 yn ymwneud â cham-drin corfforol.
- Cynhaliwyd 81.5% o Gynadleddau Cychwynnol Amddiffyn Plant o fewn yr amserlenni statudol o'i gymharu â Chwarter 2. Cynhaliwyd 100% o'r Cynadleddau Cychwynnol o fewn yr amserlenni statudol yn y chwarter hwn.
- Y prif ffactorau risg i blant oedd ar y Gofrestr Amddiffyn Plant oedd cam-drin domestig (80.5%), rhieni'n gwahanu (61.1%), rhieni sy'n camddefnyddio sylweddau/alcohol (50.0%), rhieni sydd heb ymgysylltu â'r Cynllun Amddiffyn Plant (50.0%), ac anawsterau iechyd meddwl rhieni (47.2%).
- O'r 36 o blant ar y gofrestr ar 31 Rhagfyr, roedd 17 o blant wedi'u cofrestru o dan y categori cam-drin emosiynol/seicolegol, roedd 17 o blant wedi'u cofrestru o dan y

categori esgeulustod, roedd 1 wedi'i gofrestru o dan y categori esgeulustod a cham-drin rhywiol, ac roedd 1 wedi'i gofrestru o dan gam-drin rhywiol.

### **DIOGELU OEDOLION**

- Ceir gostyngiad amlwg yn nifer yr oedolion yr amheuir eu bod mewn perygl o gael eu cam-drin yn y chwarter hwn (117) o'i gymharu â Chwarter 2 (152), ond mae'r ffigur hwn yn debyg i Chwarter 3 (117) y flwyddyn ddiwethaf.
- Derbyniwyd cyfanswm o 137 o adroddiadau/atgyfeiriadau yn y chwarter hwn. O'r 137 o adroddiadau a dderbyniwyd, aeth 54 o adroddiadau ymlaen at Ymholiad Adran 126.
- Asiantaethau Darparwyr oedd y ffynhonnell fwyaf o adroddiadau y chwarter hwn (33), wedi'i ddilyn gan Eraill (23), h.y. aelodau'r cyhoedd ac ati, yr Heddlu (20), ac yna'r Awdurdod Lleol (26) ac Iechyd (19).
- Yn y chwarter hwn mae nifer yr adroddiadau a dderbyniwyd yn ymwneud â cham-drin emosiynol/seicolegol wedi gostwng – hwn oedd y categori uchaf o gam-drin yn y chwarter diwethaf. Cam-drin corfforol oedd y categori mwyaf o gam-drin a gofnodwyd yn y chwarter hwn gyda 68 o adroddiadau o oedolion sydd mewn perygl, 45 o gam-drin emosiynol/seicolegol, 22 o gam-drin ariannol, 5 o esgeulustod a 12 o gam-drin rhywiol.
- Mae gostyngiad amlwg yn nifer yr adroddiadau am gam-drin ariannol o'i gymharu â'r chwarter blaenorol a gostyngiad amlwg yn nifer yr adroddiadau o gam-drin emosiynol/seicolegol.

### **A gwblhawyd Asesiad Effaith Integredig? Os naddo, esboniwch pam**

Naddo

#### ***Crynodeb:***

Caiff yr adroddiad hwn ei ddarparu'n barhaus ac mae'n dangos y gwaith parhaus a wneir ar ddiogelu plant yng Ngheredigion.

### **LLESANT CENEDLAETHAU'R DYFODOL:**

#### **Hirdymor:**

Cael cydbwysedd rhwng anghenion tymor byr a chynllunio hirdymor ar gyfer y dyfodol

#### **Integreiddio:**

Effeithio'n gadarnhaol ar bobl, yr economi, yr amgylchedd a'r diwylliant a cheisio dod â budd i bob un ohonynt

#### **Cydweithio:**

Cydweithio â phartneriaid eraill i gyrraedd y nod

**Cynnwys:** Cynnwys y rhai hynny sydd â diddordeb a cheisio eu safbwyntiau; ymgysylltu ac ymgynghori â rhanddeiliaid

**Atal:** Defnyddio adnoddau i atal problemau rhag codi neu waethygu

**ARGYMHELLIAD(ARGYMHELLION):**

Nodi cynnwys yr adroddiad a'r lefelau gweithgarwch â'r Awdurdod Lleol.

**RHESYMAU DROS YR ARGYMHELLIAD (ARGYMHELLION):**

Er mwyn monitro dull llywodraethu gweithgarwch yr Awdurdod Lleol a'i asiantaethau partner.

**Enw Cyswllt:** Siân Howys

**Swydd:** Swyddog Arweiniol Corfforaethol: (Plant a Theuluoedd)

**Dyddiad yr Adroddiad:** 31 Mawrth 2022

**Acronymau:**